

采芳隨筆卷二十

北平查 彬伯埜輯

苔餘品也一名綠苔一名品藻一名品落一名澤葵一名
綠錢一名重錢一名圓蘚一名垢草一名綠蘚一名苔
錢一名連錢一名青膚空庭無人行則生其類有五在
水曰陟釐在石曰石濡在瓦曰屋遊在牆曰垣衣在地
曰地衣其蒙翠而長數寸者亦有五在石曰烏韭在屋
曰瓦松在牆曰土馬駿在山曰卷柏在水曰薄莊子謂
之靄濱之衣淮南子窮谷之汚生青苔拾遺記有金苔
名夜明苔岱輿山有紫苔味甘食之千歲不饑松上莓

苔名艾蒨梅上亦云梁沈休文詩云緣階已漠漠汎水
復綿綿微根如欲斷輕絲似更聯長風隱細草深堂沒
綺錢縈鬱無人贈歲華徒可憐庾肩吾新苔云隨潮染
岼石逐沫聚浮查徒令阿谷麗停筐不汰沙唐錢仲文
石上苔云靜與溪色連幽宜松露滴誰知古石上不染
世人跡包良史何詩云每看苔蘚色如向簿書閒幽思
纏芳樹高情寄遠山雨痕連地綠日色出林斑却要興
公賦臨危滑石間顧楚臺雲歌云檻前溪奪秋空色百
丈潭心數沙礫松筠條條長碧苔苔色碧於秋水碧波
迴梳開孔雀尾根細貼著盤陀石撥浪輕拈出少時一

髻濃煙三四尺山光日華亂相射靜縷藍髻勺鬟積試
把臨流抖擻看琉璃珠子淚雙滴如看玉女洗頭處解
破雲鬟收未得即是仙宮欲製六銖衣染絲未倩鮫人
織採之不敢盈筐篚苦把龍神河伯惜瓊蘇玉鹽爛熳
煮嚙入丹田續靈液會待功成插翅飛蓬萊頂上尋仙
客白樂天石上苔云漠漠斑斑石上苔幽芳靜綠絕纖
埃路傍凡草榮遭遇曾得七香車轅來鄭雲臺詩云春
紅秋紫遶池臺箇箇圓如濟世財雨後無端滿窮巷買
花不得買愁來李至道春苔云春霖催得鎖煙濃竹院
莎齊徑小通誰愛落花風味處莫愁門巷襯殘紅徐昭

夢詩云印留麋鹿野禽蹤巖壑漁磯幾處逢金谷曉
花影重章華春映柳陰濃石橋羽客遺前迹陳閣才人
沒舊容歸去埽除階砌下蘚痕殘綠一重重宋梅聖俞
水次蘚花云秋雨日霏霏碧花生疊疊水邊有神女妝
去遺翠靨岼側小家婦不知所宜慙采得未還人自將
渾面帖又苔徑云林間夏雨滋復有斜陽照綠淨不搖
風從教春草笑趙企詠苔云斑斑染黛色差勻個個微
圓類綠萍不比榆錢鋪砌白未饒荷葉點溪青陶鎔盡
出春工力磨就多應雨夜零好與詩人買風月何妨積
貯滿空庭明高青邱堦前苔云莫埽雨餘綠任滿閑堦

路留藉落來花春泥免相汙李西涯苔徑云豈不愛佳
客客來殘我苔西園十日雨三徑不曾開朱康侯詩云
布葉如錢個個青不爭要路占閒庭風前印鶴移罍步
雨後留蝸作篆形生閣久縈詞客恨入杯多蝕古人名
紅英墮地交相映小履蹙然未忍停徐茂吳詩云寂歷
空庭綴綺錢緣堦依砌更纏連長門底是生金輦芳徑
無從認翠鈿宜藉落花相掩映肯教新草獨芊眠違喧
只合幽人侶怪得江淹怨思偏瑤砌瓊鋪紫翠勻高臺
曲榭淨無塵停雲斐亶沿堦綠經雨葳蕤澀浪新側理
成時無汙簡文茵爛處絕車輪徑開二仲逢迎少鎮日

荒荒覆碧筠點地斑斑積翠平年年和草玉堦生石家
砌上鏤春丹晉帝宮中號夜明乍訝綠筠經雨長不因
白露減秋清坐時隨意妨行滑幾日空庭斷屐聲予念
東詩云研上碧于染髮髣滿綠錢根微蹋未斷絲細勢
相聯每向重陰合偏逢雨過鮮綿綿緣閣上漠漠沒堦
前滋石隨潮長浮查逐沫纖江淹曾有賦無用總堪憐
近時田山蘊石花云漈漈三岔河轟轟萬仞若劃然地
勢開烏川合一派兩崖古所劈峭立山不壞清和四月
半湍流忽滂湃斑斕石上花初發卷如蠶望之塗朱紅
晴霞落天外奇葩三五夕小者復見大十里數百叢赤

城眉青靄或圓如羽輪或浮如飈旆經旬色微黃淡寂
餘殘瀨天女采花去瓣蕊不可馬水漲畏蛟鼉觸舟多
水怪泊夫水落時花空已難再熒熒壁蘚光離離無根
蒂獨於遠眺宜巨靈何狡獪博問亭詩云雨後隔簾應
漠漠風前映戶自間閒石衣水髮渾難辨且對生綃一
解顏方東華詩云偶爾逢時雨延生過井欄托根多在
石為性不知寒古洞封長滿陰崖溼未乾是誰留屐印
幽處久盤桓蘓竹浦顰眉種苔云偶泛西園秋水攜來
驢背蒼苔種向齋前小甕兩餘青入簾來宋式魯詩云
蹋青人遠水平堤落日牛羊廢苑西溪畔有痕通蠟屐

梁間何意伴芹泥
棗花簾外雙鬟埽
菰米磯前一雁棲
惆悵秋聲曾到耳
青楓根下野蛩啼
金壽門句云細雨
偏三月無人又一年
畢秋帆苔錢云輕雨
莓苔綴小錢
春紅秋紫日田田
客囊久已輕如葉
偏向閒階著意圓
張陽扶鶴土花云
天地餘古色土花
分獨偏雨聲涼到
骨生氣暈何年菌
想蒸巖妙萍憐佳
水鮮泥塗豈終辱
寶鼎鬱蒼然金醉
墨苔篆云池邊洗
研墨花生徑蘚偏
欣摹象呈青字偃
波臨髣髴綠章倒
薤搨歌傾行間爪
印疑因鳥砌畔絲
痕密似蟲漫羨蘭
亭誇襍帖塗鴉俗
手博書名又苔錢
云垣衣石髮翠成
苔點綴庭前一徑

開新色兩餘應作埒舊痕月底若為貽歌傾綠字翻荒
碣斑剝青蛭買落梅贏得雲封蒼古蹟坐來隨意拂塵
埃金子青秋苔云秋風吹不盡秋草獨傷情明月玉堦
夢泪痕一夜生暝烟寒有迹落葉下無聲自是閒青瑣
悠然此獨行又詩云竹逕風搖碧莎根日映明一痕深
易見雙屐蹋難平蒼翠陰崖合斑斕古石盈應無零落
日長此樂微生又荒蘚云一度相看眼忽新到來狼藉
已成茵瑣痕綠慘經年迹了印青留舊日春花草有情
多落色夢魂無路但行塵陰晴倘說如圖畫獨繞空堦
日幾巡鄭春麓紹裘秋苔云不須爭要路風月滿閑庭

過雨沿堦綠和烟上壁青花魂埋幾許簾影記曾經隨
意無妨坐遙山列畫屏閨秀商長白句云昨宵起有雨
深院久無人家初白西地錦詞云三徑久荒松菊漸平
鋪蒼玉筍屨新縛蓑衣新買映上堦新綠髮短何愁曲
局愛雨來如沐不教禽啄不教竹埽又忍教手觸

附錄

水苔一名石髮一名石衣一名薄一名水衣一名陟釐
一名側黎一名水綿生陸地者為烏韭宋梅聖俞詩云
深苔何所若苦詠費毫尖繞繞水仙髮茸茸蛟客髯綠
縈秋石淨嫩值翠篙黏尚毛參差荇薄言無此嫌司馬
溫公詩云萬古風濤浸石巖老苔垂足細鬢髮傳聞海

底珠無數何事從來散不簪金闕銀城仙客居欲傳消息問麻姑蓬萊無物堪為信翦寄蒼龍一握鬚近時金醉墨苔髮云覆壁莓苔髮漸殷鬢鬢石砌襯花顏風梳縷縷如雲鬢雨洗絲絲展繡斑錦字生來青鶴鬢學堂長處綠烟鬟恰憐草色依堦映欲結相披應兩關

附錄

垣衣一名垣羸一名天韭一名鼠韭一名昔邪此乃磚墻城垣上苔衣也唐李君虞詩云漠漠復霏霏為君垣上衣昭陽輦下草應笑此生非掩靄青春去蒼茫白露晞猶勝萍逐水流浪不相依

附錄

屋遊一名瓦衣一名瓦苔一名瓦蘚一名博邪一名昨

葉一名蘭香此瓦屋上苔衣也

附錄

瓦松一名昨葉何草一名瓦花一名向天草赤者名鐵
脚婆羅門草一名天王鐵塔草唐崔廷芬融賦序曰不
載於仙經靡題于藥錄謂之為木也訪山客而未詳謂
之為草也驗農皇而罕記豈不以在人無用在物無成
乎俗以其形似松生必依瓦故曰瓦松賦句云觀其衆
開榮列虛心獨潔高寧我慕無木永之五尋卑以自安
類石蒲之九節進不必媚居不求利芳不為人生不因
地其質也菲無忝于天然其陰也薄纔足以自庇望之
常見其表尋之罔得其秘肅穆承華堂皇不賒繩懸麥

穗戶刻菱花竹簷簷而衆色樹連理而相加芙蓉發池
子照爛日及懸雷子紛葩彼懷寶以遇賞此不材而見
嗟雖有慕于階闥亦無混于泥沙無名氏賦句云原其
所托高而又雅抽形先寄于鶴樓聳質更資于鴛瓦旖
旖芬葩含風接霞既當春而吐葉亦凌秋而點花異山
苗之極秀狀澗松子抽芽高居壤雷匪雜泥沙向朝陽
子發榮經夕露子增華常在危簷心必直詎欲牽風影
暫斜李遐叔華尚書都堂瓦松云華省祕仙蹤高堂露
瓦松葉因春後長花為雨來濃影混鴛鴦色光含翡翠
容天然斯所寄地勢太無從接棟臨雙闕連甍近九重

寧知深澗底霜雪歲歲封韓致光句云睡起墻陰下藥
欄瓦松花白閉柴關宋張文潛句云別來秋意苦但見
瓦松長近時周七峰詩云小松簇瓦上蒼翠冷油油托
脊根何固當簷致亦幽縱無梁棟用庶免斧斤求爭似
擎天勢風濤日未休先叔祖榕巢公詩云偶讀崔融賦
餘情徧瓦松但須天闕近不羨大夫封色蔭寒廳古陰
分翠甃濃著書忘歲月恐汝忽為龍

附錄

仙人緇一作條出衡岳無根蒂生石上狀如同心帶三股
色綠亦不常有宋宋景文贊云附陽而生垂若文緇大
槩苔類土石所交

附錄

羅漢條湖湘故事羅漢後洞有草蔓結如帶長一丈餘
附木而生相傳謂之羅漢條宋畢向詩云五百移棲絕
洞深空留轍跡杳難尋綠絲條帶何人施長到春來挂
滿林

附錄

土菌爾雅中馱菌注地蕈也似盖亦曰馱厨可啖一名
杜蕈一名地蕈一名菰子一名地雞一名獐頭池生者
為菌水生者為櫛陳仁玉菌譜有合蕈稠膏蕈栗殼蕈
松蕈竹蕈冬蕈玉蕈黃蕈紫蕈四季蕈鵝膏蕈潘之恒
廣菌譜有杉蕈皂角蕈香蕈天花蕈蔴菰蕈雞縱蕈雷
蕈舵菜竹蓐菰菌雲仙雜記有銅釘菌分絲菌內觀日

疏有禽芝菌鬼蓋叢生墻下旦生暮死一名地蓋一名
朝生即今鬼繖一名鬼屋又地苓生腐木積草處黃白
色鬼筆生糞穢處紫色名朝生暮落花宋蘇東坡黃耳
蕈云遣化何時取衆香法筵齋鉢久淒涼寒蔬病甲誰
能采落葉空畦半已荒老楮忽生黃耳菌故人兼致白
芽薑蕭然放筯東南去又入春山筍蕨鄉朱少章崔致
君餉天花云三年北饌飽羶葷佳蔬頗憶南州味地菜
方為九夏珍天花忽從五臺至崔侯胸中散千卷金甌
名相傳雲裔愛山亦如謝康樂得此攜歸豈容易應憐
使館久寂寥分餉明明見深意堆盤初見瑤草瘦鳴齒